



IAP. SIN. I

159A, 167•168•169

148/i

148
i



丙寅七月會課

輪迴

甚哉立言之不可妄也西國上古有人名閑他臥辣者憫世沉迷倡為危詞以警之曰世俗之趨向如此必非人類必為禽獸無疑也本欲開導愚蒙以冀世之一悟俗之一改奈立言無稽其時學者已斥其非謂駟不及舌矣孰知此說流傳天竺竟居以為奇厥後佛入中華六祖述其說倡為輪迴報應傳會轉工禍流莫追其害尚可言哉然明理者自能辨之其旨有二一人類自相輪迴一人類與禽獸輪迴人類自相輪迴者是今世之人皆由前世之魂若然則定數有限自古至今但易姓氏不外此生人之數矣何上世地廣人稀三代以

後生蕃日繁民居益稠密乎且又云此處涅槃彼處生產信如此言則十月懷胎時此處魂未離身也則彼胎中之或升或降或屈或伸忽々變動者又何物焉昔太學江泌女從小出家八九歲能誦淨土等經二十餘部長房云此是前世宿習胡致堂堂正辯曰程明道幼年試以質帳一日舉千人無不差失夫質帳非世間素有之可云前世宿習乎江泌女之賦姿敏慧者耳歸功前世不之謬哉人類與禽獸相輪轉者是必未有物先有人而後可乃易之繫詞有云有天地然後有萬物有萬物然後有男女可見先造物類而後生人享用之無疑矣若曰以有罪之人轉為禽獸則初生禽獸時尚未有人禽獸

之魂從何而來若造物者巧於造禽獸之魂而拙於造人之性有是理耶佛經云眾生無始終无生輪迴無非父母兄弟姊妹果然則今世所娶子媳所遣婢僕所乘牛馬為知非我先化之祖宗轉為異姓為知非我兄弟姊妹復轉托生將使人婚娶俱廢犬馬不畜斯乃亂倫滅理人道絕矣尚成世界乎至於禽獸轉生亦可為人則爪牙角毒未嘗念佛齋僧也而安然為人則人之克己復禮存心養性又遜其勞逸矣釋氏云狗子有佛性不幾於犬牛之性猶人之性與且佛門以輪迴故放戒殺今每多自犯如塑佛像則用羶血建法鼓則用牛皮造香燈則用羊角製磬漆則用蠶絲若輪迴果真將浮屠門不



盡轉為畜生道乎。提之釋氏欲婪財必先惑衆，惑衆莫先於富貴。福澤而福澤，又不可以卒致，則造為輪迴說，無証之語曰：欲知前世因，今生受者是；欲知後世因，今生作者是。世人遂執迷悟，不富貴者以為前世宿根雖極吝惜，必出資財以圖果報，即貧賤者亦強積糴，銖謂今世既苦，且圖來世耳。嗟！一言之安釀禍無窮，言可安哉。

闢輪迴說

天下有倡為誕謾之辭，自以為傲世濯俗而不知其言之無稽適足以惑世誣民者，則輪迴之說也。夫人莫不由死而死者，不復有生，故三王五帝以前之天子不再產為帝皇，周公孔子以上之聖人不更育為賢哲。此亘古來之明驗也。歷覽聖經賢傳以及諸子百家，皆不著有輪迴。自佛教入中國而輪迴之說起矣。且其說亦不始乎佛，不過抄襲他人之吐餘，掩為己有耳。考之西史，古有一好修者名阿他，刺憫世迷惑，憑臆撰說以啟誘愚民，自謂權宜之法，足以傲世濯俗而不覺其滅德立違，泥於井而救人也。故西國名賢在當時已有

直斥其妄者其後訛傳鄰境延及身毒諸邦遂遺中國之害謂人物之互報人魂之循環承偽習舛謬迷罔悟豈知人物之性不同前後之魂各別不可強而混之哉今畧指其謬而辨之人靈物蠢人能明義理辨是非而禽獸不能是犬牛之性不如人之性美倘人而為輪禽獸則禽獸性人性也必能為人之聲音笑貌而巧亦似之禽獸而輪為人則人性禽獸性也將若禽獸之叫號奔放而拙亦似之今何以不然乎一謬也人貴物賤貴者妨賤其罪常輕賤者妨貴其罪常重乃謂食禽獸之肉者死為禽獸貴者之罰其重如此若豺狼虎豹攫人而食之其罪當何如而反使之為人是賞罪矣寧得為罰乎一

謬也人之神靈古今不相貸蓋自有維皇之降稟而各成其為人此一姓已死之魂不能更為彼一姓之人性如謂福盡孽盡俱復輪迴則後之生者必待前之福孽盡而輪生將人類蕃衍每日之生數多於死之數必至有形質而無靈魂其為滲漏多矣况太古生人之始莫有為之前者其始生之人又誰氏之魂耶一謬也且祖宗支世一脉相承無容紊亂今死而復為他人之子則彼魂生而此魂滅其子孫之祭祀可以不設矣他人之子復死其魂又將誰歸耶以一人之魂而東祀西祭或號之為祖或呼之以孫姓氏屢易支屬遞換分而不能合之而不可一謬也佛氏以明心見性為悟道而不識心性

所由來乃假托於誕謾之辭以惑世誣民如此其謬迷何可勝悼哉

開輪迴說

今夫人各自造則有善惡兩途大主所操則有賞罰二理賞之則升天堂罰之則墮地獄未有不升不墮而輪迴人世曰己賞之罰之也夫輪迴之說何昉乎作俑于佛氏而濫觴于佛氏以大主至公之賞罰為佛氏方便之法門且又誤認善惡以持齋戒殺為善而以烹宰腥羶為惡曰惡墮輪迴惡趣也以棄家滅倫為善而以毀僧謗佛為惡曰不免輪迴惡道也由是蚩之之氓聽其誑誘即陳以周公孔之大道以程朱之正理彼以悍然不顧漫不之省而況高之在上泥然無迹之天主乎正緣人心陷溺佛氏已非一日且曰要知前

世因今生受者是要知後世因今作生者是因果之報信為不爽于是
有預修寄庫者矣有放生戒殺者矣種一作為無非為後世計而楮
錢紙庫經懺不惜以真金銀買之欲以一倍博億萬倍何憚而不為
此反以真實善事為無補無他以輪迴為萬一無疑者也假使有錢
者人得為預修則後世皆富貴無錢者不能為寄庫則後世皆貧
窮而世間之富貴難以更僕數矣何貧窮者比之皆是而富貴者不
數也則輪迴之說悞之也尤為誕妄者莫如戒殺一事 天主生
萬物原以育養人類供日用之需非人類輪迴為胎卵濕化轉受刀
砧之業報也而佛氏則曰此四生者皆前生屠宰烹炮輪迴今世又

安知非六親眷屬殺之是殺六親眷屬也于是叢林梵宇皆為豢牧
之地寧割己肉以餒犬豕不肯嘗寸醬以受輪迴噫何蔽翳之深若
此其牢不可破也夫人生只有此世並無前後之報轉在上為天堂
在下為地獄而此世者乃升天墮地之界不升則墮不墮則升是在
吾人遷善去惡知修持之正路識究竟之指歸自可有賞無罰若如
佛氏輪迴則千萬億世無有終期而善惡之報不幾賞罰之過當乎
而乃援郝氏蟬人面瘡為輪迴之証安知非佛氏之誑語乎 天主
之賞罰斷不如是閑他臥寐之謬可以欺佛氏不能欺吾教也能無
闕之哉

闢輪迴二

天下有是理有是事如木石之怪曰夔罔兩土之怪曰羆羊屋之怪曰藻魚之類是也無是理有是事如孕婦生怪馬鹿生人樂蘇生洞室之類是也無是理無是事如人為禽獸禽獸為人此舛謬之甚者則不得不闢之者闢其悖于理害于事以歸于正道也而其甚者莫如佛氏之言輪迴輪迴之說非始于佛氏始于周他卧辣也周他卧辣濬其源而佛氏揚其波剽竊其說以為度世之津梁誘人之妙諦而不知其謬實甚天主賦界萬物竟有三等草木有生鬼而無曉魂禽獸有生覺而無靈魂人則生覺靈三魂具足與草木禽獸大

相迥別其尊其貴故能超出乎群生而為萬物之靈也今佛氏妄設三塗方道以為人能輪迴為畜生是則所謂犬之性猶牛之性牛之性猶人之性混然無別輾轉相生循環不已其謬一也齋自有正如儒教有三日齋天教有大小齋皆為肅潔心志使元神有功非為倖免輪迴而希求福也佛氏則專持清素斷除腥血以此為精修梵行之善果若人、茹素則世間無畜生類矣其謬二也禽獸滋養人生祭祀宴饗皆所不廢故君子遠庖厨未聞禁漁佃孔子釣弋文王雞彘不以為非今佛氏戒殺曰物類具有佛性當視同一體倘互相戕害冤報無休不免輪迴為几上肉也乃縱之林淵飼之芻粟意非不

善而實則悖于正理拂于常經矣其何以立訓乎其謬三也以此三
謬誰誘愚氓放生戒殺之文動盈卷軸而好事者復振拾道聽塗說
以証其必有垂勸世人其理其事必無憑據此皆傳會之辭絕無關
涉殊不足信不知為善之門自有至真至正之道而非輪迴之說借
此以聳動天下也佛氏流害之罪可勝言哉

關輪迴說

佛氏之邪說多矣而敗人心阻人善者尤莫甚於輪迴之說故尤不
可不辨易曰有天地然後有萬物有萬物然後有男女是則上帝之
造物萬所以脩人用也而人之能用萬物非其力之有倍于物乃其
靈之獨異于物也雖氣稟有強弱知愚之不同而所受界之靈則無
不同也上帝愛之養之六無不同也故凡飛走鱗介之屬人皆得殺
而食之馴而使之雖皮毛骨角又可為器用服飾藥品之類固有遺
棄是皆上帝愛人至極故生物而利吾人也如此人受愛養之恩當
思作何頌謝作何敬事順命守規務行諸德以全所界我靈之善死

後則灵陟于天永受福樂而無不足矣其不然者墮于幽獄之中歷
受萬受苦無有終期蓋為人之在世猶士之在試場猶敵之在戰地至
死則通塞已見功罪已分有定案矣誰復為之輪迴以灵魂多斂弄
哉而輪迴之說則曰一切有命者皆不得殺恒沙劫來生受生
生必有父母殺之則殺已父母也是則視人物非兩類無灵蠢貴賤
之分且將上帝造人物之心為罔民之術矣自有此說而人心迷亂
狂妄顛倒無所不至不知人之獨灵不知灵之為貴不知人死當敬
事者惟一天之主人所當修為者皆我性之德而以為奉佛即以前
事天茹素捨僧即為善事不思生時遷善改過惟恃死候伏僧道謂

佛經呪以消罪愆不知既死無入世之期惟冀刻畫有轉生之日以
現在之貧賤困苦者謂前世所造之業而富貴福樂者謂前世所修
之善由是而作預修造佛寺放生塑像種安為所費既多貪暴愈
甚口則誦佛茹素而已安見其所為之善哉故曰敗人心阻人善莫
甚于輪迴之說姑就其輪迴禽獸之一說而辨之蓋人一生所殺飛
走鱗介諸物甚衆其死則一身而已以一而償諸中必非一時所能
逐一以償之又無終盡之期矣抑且孰為緩急先後設以身磨為塵
一時以抵諸中則身以朽腐而灵性亦不可分即灵性可分身亦可
磨則今日安為中禽獸後日轉為無數身乎且人食禽獸則轉為禽

獸禽獸食人當轉而為人乎鷹鷂之食鳥雀虎狼之食犬羊將禽獸
復轉而為禽獸乎人之轉為禽獸謂所以罰之也禽獸當知為善修
德以為轉人之地又當并受人殺害以消前罪早為轉世之圖奈何
爪牙角毒噬噉搏攫其惡更甚于人乎若謂禽獸如此可以無罪則
佛氏賤人貴畜用愛顛倒立法不公若謂亦有罪焉但人殺之可以
抵其罪則殺之者不當復受輪迴之罰且上古之民茹毛飲血此時
未有人死禽獸從何而生既茹毛飲血人盡轉為禽獸人類又從何
而廣若謂天地未闢之先曾有世界人物今之人物乃前世界人物
之魂所轉此則愈為無據有書有人尚不能考核其理乃信無從考

究之言豈不安乎若謂上古人物則天所生者今則輪迴而生矣豈
天但能生人物于古初独不能生于今日乎佛禁人之殺禽獸何独
不禁禽獸之殺人既有地獄以罰惡何必令惡人為禽獸無禽獸則
人無所殺無所殺則輪迴不必矣佛氏豈不清淨乎且也人死轉為
禽獸謂人必苦之矣禽獸死轉為人其必甚願奈何禁人之殺而必
待其老以苦之既有輪迴何不即令人生禽獸禽獸生人俾得共觀
共聞以為勸戒乃各傳其類曾無一相混者可見其類之不同輪迴
之必無也即不然二當令禽獸所轉之人知前世為某禽獸人所轉
之禽獸亦知前世為某人為其惡而罰為某善而免豈不愈足以為

勸戒乃竟泛無其事也又可見輪迴之必無矣或曰叔子託前生為某家子明道憶宿世之藏母教羊哀化虎鄧艾為牛公子彭生為豕如斯之類載于儒書可証輪迴之必有殊不知此等怪語佛書與小說多有之蓋為人情喜于怪每得一怪語不論目所未睹理所未有遂訛言妄証傳播遠近往往載入刻中及至歷其地詢其人絕無其事者萬一有之是亦魔鬼憑依以誑惑人若正人君子彼則未敢欺誣之也是以千百其年萬億其中若此怪事僅一二耳豈多有哉孟子所謂盡信書則不如無書君子惟論理而已矣又考輪迴之說實創于大西士人因他臥棘憫人作惡故為此奇論以駭之而佛氏拾

其說益以方道以愚其民而民遂信從之以傳延至中國愈久愈固不知意雖善而無理不足驚惡也蓋禽獸之披毛被羽其性遷也食粗飲濁其性井也穴居野處其性安也淫亂無法律之禁貪惡無和紐之刑衣食無腓胝之勞生子無嫁娶教養之費凶荒不顧理亂不知死喪非其所憂福患非其所慮賁賤榮辱非其所閱人亦何憚而不為禽獸哉且小人心欲肆其奸淫貪惡拘于世法不得盡如其願則欲為禽獸而不能也然此非天之有厚于禽獸也蓋禽獸之用止于養人至死則魂即滅矣故不責其所為功罪任其生長而已人則有灵出乎上帝類乎天神永存不滅故備其所用無不周責其所

為無不至綱常倫理正令其自別于禽獸也奈何又使之為禽獸哉
嗟乎據輪迴之說則綱常之施伏羲實為作俑亂離之畜西伯寧非
罪魁獵較弋之仲尼輪為何物衣帛食肉之孟子不得為人烈山
澤而焚伯益之殺命尤多刻當未盡驅虎豹而遠周公之傷生雖少
豈盡無辜儒者于此有為之痛哭流涕而長太息者乎我意其必以
為不然也乃多有奉佛氏之教者謂何

闢輪迴說

釋氏之邪說誣民也至輪迴一端而倒行逆施特為尤甚乃舉世惑
之病入膏肓而莫莫可救者無他貪生畏死人之常情釋氏謂彼處
深盤此處托生鮮不喜其暫死而旋得生也故即妄言之姑妄聽
之孰察其臆絕天理論表裏倫至于無窮哉按其說人死而後為人
後世之某甲即前生之某乙則自有天地以來死生之數多寡相仍
不少增損者矣又有四生六道分而散之人類必當日少一日何以
太古之世地廣人稀至後世而林、總、愈著且狃乎況謂生、刻
來必有祖先父母轉展循環則父之屬無不可為子孫母之屬無不

可為妻妾長上之屬無不可為奴隸此大亂之道具人形者所不忍
聞也夫 天主生人成一形軀即昇一靈魂而本然之善本体之明
已具于此靈魂之內何至借此人之魂置彼人之體而顛倒悖亂至
于此極耶若云人之死生自佛主之則佛先惡心害理而實為罔民
不義之戎首矣又謂人死而墮入禽獸所以罰其前愆也如貪殘者
為虎狼險毒者為蛇蝎淫邪者為狐狸罰之各從其類猶不念人之
禽獸有刑法之可畏笑罵之可羞尚知顧忌禽獸之禽獸則刑法所
不及笑罵所不知將率其生平為惡之性一往而無返矣即曰被人
屠割亦祇片時之苦旋得人身又將肆其報復惡者更何憚而弗為

哉且佛氏沾：以輪迴報應為戒使人：共遵則人：不敢殺生彼
禽獸者豈不樂永生于世優游自得乎此非示罰而實示賞此非警
惡而實導善也非佛氏不能析斯逆理之論也夫人輪迴而為禽獸
禽獸輪迴而為人宜人与物之性皆有灵悟皆無所異佛氏但能戒
人以殺禽獸不能戒禽獸以殺人併不能戒其自相戕賊徒令憎然
無知積冤累孽相報無休而曰度盡衆生我方成佛何其不憚煩耶
歐文忠曰佛氏之言輪迴此貪生也然其壞人心術有不止貪生而
已者宋者亭曰佛氏之言輪迴止可以愚庸夫熨婢然其浸淫簧鼓
又不止庸愚被其所愚而已者故畧辨其妄以為世鑑云

又下五劫是時其所受之已皆結界轉其意以爲世變云
已皆未若其已轉之云餓鬼止百以惡斷大變報遲其意至餓
鬼又出曰轉之云餓鬼止食止也遲其數八公轉而不止食止而
無味轉其意轉其數八公轉而不止食止而
入山轉食轉不轉其意轉其數八公轉而不止食止而
食轉其意轉其數八公轉而不止食止而
要而實轉其意轉其數八公轉而不止食止而
食轉其意轉其數八公轉而不止食止而
若且轉其意轉其數八公轉而不止食止而

辨輪迴

自上主生人類以來各賦一靈魂又界自主之能善惡兩途聽人取
舍爲善者榮登天國作惡者降罰地牢此至公一定之理自古迄今
無變更也迨佛老之徒出專以輪迴之說誘餌人民濟其貪私墮其
術者智者不免即其說輪迴有六道凡離父母棄妻子一意焚修
即能成佛道九修丹煉永養氣調津即能成仙道反此二者即墮爲
餓鬼輪于畜生矣審如此說則天下幾無人矣何也據佛道二典所
載佛有恒河沙數道有無量諸仙自佛老興教以來投空門勤修煉
者十有三二皆歸于仙佛矣其間不茹素不焚修者又皆墮落餓鬼

叢中輪于畜生隊內則人類當寥々無几矣乃今日人民較之上古
或相倍蓰何自來乎又有因果之說衆生罪報已盡復托生為人未
盡者投胎異類為人者緣前世未種福田故轉輪今世貧賤困苦以
償未了之愆吾既未知前世為何如人作何事遽然以困苦加罰此
身是猶秦人犯法而拘楚人以刑之有是理耶為異類者現在禽獸
俱前生惡人而轉間有吾之父母眷屬在內設乘駟馬者既不能知
或乘吾父母為殺羊豕者或殺吾眷屬焉則其罪豈不更重乎以此
而問佛將何術可免也嗚呼指禽獸而曰或吾父母眷屬甘心不疑
戕賊不仁亦至于此為此說者名雖為人其心則禽獸不若也推其

原輪迴之妄非本于佛氏始作俑者則閔他臥棘也詐料不經之言
流于天竺傳于中華遂成牢不可拔之痼疾也哀哉

地獄後有書夜之分其意之別互相違逆推其理不己其同也蓋輪迴
生之不息即綿綿不絕之意也此者不過生其種類而已不同今
歲之飛潛動植即前歲之飛潛而再生也明其說者可以推論輪迴
之說矣原夫人之始生中國之書曰有天地然後有萬物有萬物而
後有男女是可知萬物之生男女之生必有所以生之者矣必非一
女之魂一男之魂轉轉而輪迴者也更非群然而生千萬人互相資
助而輪迴者也必一男一女生於世而漸而多者可知天地之

業中輪子。蓋生陰陽則人類當家。無此矣。乃今日人民之工。或相倍獲。何自來乎。又有因果之說。果生罪報。已盡。復轉輪。今世貧賤困苦。以積來。了之。愁吾既不知前世為何如人。作何事。著其因。苦加罪。此身是猶奉人犯法。而拘禁人。以刑之。有是理耶。為異類者。現在金銀。俱前生惡人。所轉。固有若之。父母眷屬。在內。設乘財。為若。既不能。或乘吾父母。為殺羊家者。或殺吾眷屬。為則其罪。豈不更重乎。以此派。凡大竺。即在中。華。蓋。既。不。不。然。之。所。然。也。東。海。眷。屬。并。心。不。疑。原。鍾。與。之。安。非。本。元。初。所。故。不。斷。散。因。此。出。相。轉。也。輪。轉。不。端。之。言。

辨輪迴之謬

天下之物必有其始。有其始乃能綿。不絕即天地亦有其始。有天地然後有晝夜之分。寒暑之別。互相遞遷。循環不已。其間飛潛動植。生。不。息。即。綿。不。絕。之。意。也。凡此者。不過生其種類而已。未聞今歲之飛潛動植。即前歲之飛潛。而再生也。明其說者。可以推論輪迴之謬矣。原夫人之始生。中國之書曰。有天地然後有萬物。有萬物然後有男女。是可知萬物之生。男女之生。必有所以生之者矣。必非一女之魂。一男之魂。轉轉而輪迴者也。更非群然而生。千萬人互相賞罰而輪迴者也。是必一男一女。生養蕃息。由漸而多者可知矣。如在

文王則有斯彞之咏在古公則有瓜瓞之祥如必待死一人而再生
一人更有畜類之罰吾恐天下之人皆受為禽獸之不足何後世之
人反多于上古之人也哉吾聖教中書曰 天主于無始之始而生
本体然後化成天地萬物後造一男一女男曰亞當女曰厄儀即吾
人類之祖後世之千千萬萬皆其子孫也如必曰輪迴之說有在亞
當厄儀之世人類即當絕矣何也亞當厄儀之外 天主未嘗更造
多人是亞當厄儀未死斷不能有相生之理矣何後世人類有若是
之多乎更不知後世之靈魂抑又何自而來乎又何必辨其輪迴之
有與無哉更有神其說者曰某人負某人之債未知某人已死奎路

親見某人更有某人必見某人投至某人之家及至其人歸家並不
見某人之影其晚即生一子舉問其事僉曰即此人罰債而後來者
殊不知女之有孕醫書上說一月如珠露二月如桃花三月則先生
左臂則為男先生右臂則為女漸次四肢百骸皆備四月形像具五
月筋骨成六月毛髮生七月遊其魂能動左手八月遊其魄能動右
手九月三轉身十月滿足生如必待臨產而其靈魂始附而生其七
月八月即能旋轉運動其靈又一靈矣無靈魂即不能運動不運動
則塊然一死物矣其胎不幾腐爛乎惑世誣民莫此為甚凡吾同學
不可不辨



則輪迴之源也此言由天竺而入于中國釋氏承其說而廣之為四生
曰胎生卵生濕生化生一切有生命者皆不可殺之食之必償必
報若然殺一獸而百人食之將百人償之乎如一人而食百獸抑亦
分割其靈魂而償之乎且虎狼之食人也又食犬羊也其償之之法
為人乎為犬羊乎又誰為先後乎鷹隼之于鳥雀、之于微虫獮
之于魚、之于蝦弱之肉強之食皆不能免也必至更相償報何時
而終尽若何而分理乎如水族之微物一飯可食百命蚕絲之細縷
一衣不啻萬生且醫血每實于骨角藥餌恒取蛇虫蚊蚤蠅虱之類
撲殺不可勝數由坎推之一歲之間殺生豈特萬計若壽愈多則

罪益衆一生之孽萬世難償亦不能有轉生者矣殺生償報必無其理
是以古之聖人教民網罟佃漁畜養鷄豕未嘗民教以藟藿度生者
也今人果何所見而妄信其說耶更有謂之六道者曰天道仙道人
道地獄道畜生道餓鬼道據其言曰天道而有著定心墮于欲界以
福盡故受禽獸形曰仙道亦復如是退墮地獄受無量苦曰人道壽
盡多墮于諸惡趣中畜生道受鞭杖驅馳鼻穿項破餓鬼道常苦飢
渴恒被火燒劫尽有微善片福者得人身生而多病短命姑即其二
三說以問之夫曰天道仙道必以其至善至德而獲此升賞也其在
世有形軀時尚能避諸惡而不為死後惟灵性耳有何定心而下墮

乎若福既有盡雖先聖亦為可虞富形不免摠全德难于迂避天仙之道亦不足重矣其人道也聞彼有三說一曰人愛為畜其辭以達彼說法人聽受墮耽耳狗中逢彼說法心不餐米墮長耳駝中慳貪獨食者墮餓鬼道中惡食飼人者墮猪狔蠅螂中劫奪人物者為羊偷盜人物者為牛馬妄傳人惡者受辟銅灌口拔舌牛耕之罪罪畢生鴟鴞中喜飲酒醉者墮沸屎泥犁之獄罪畢生狸、中生麀鹿中者以驚怖人放生墮龍中者以調戲人故其二則畜轉為人曰人而不淨從猪中來慳吝不恕從狗中來狼戾自用從羊中來性情輕躁從猴中來身伴腥臭從魚鼈中來含毒由于蛇蝎不慈來自

虎狼其三則人轉後身曰為人豪貴及國王長者從祀事三空中來為人大富從施捨中來長壽由于結福美貌皆緣塑佛啗啖却因毀謗僧法黑臭醜陋從遍佛光明察其所言皆惑世誣民挾人施捨借輪迴為羅刹而吸天下之民資陷天下之蒼生也忍不為且痛哭流涕而為之辨乎現彼以不聽受其法而愛畜恐嚇人之信奉也以墮各獨食而妄畜誑騙人之希覲也偷盜劫奪而必以牛羊為報地獄之刑何在妄傳人惡而既當如此重刑鴟鴞豈不其辜至於飲酒戲謔雖當戒慎苟非聖賢誰能不犯果皆罰而愛富人無懣類矣設有人焉狼戾而不恕羊愛乎狗愛乎輕躁而不慈猴愛乎虎愛乎若

一人而兼諸惡性者乃數畜並生于一軀者乎更曰國王長者事佛
可得大富大貴施捨可求現其反覆鄙俚皆為利己而言誘世之賢
愚或望今生之福壽或貪後世之榮華寧不為利陷溺人心遂使暴
虐者愈為暴虐欺詐更復奸貪惟財是攫惟佛是求不復有天威可
畏公道可存恃此而喪心敗德之禍患可勝言哉蓋現上古之世人
民鮮少漸而生齒日蕃試各邇其祖不几百年子孫萬倍若籍禽
獸輪迴世人既多畜類宜乎寡矣今而牛之耕馬之乘裘褐幣帛所
需之物充然不乏何也蓋物之多正由于人之盛而人之盛不籍于
畜類之轉生也明矣夫上帝之于人也如父之于子也其儲物萬于

世也猶人父聚天下之貨財蓄四海之珍寶創窮工之廣居羅俊英
之僕隸萬卉充于前園百畜實于後廐田連阡陌粟陳貫朽者將全
遺其子而厚其生者也其子或有拂逆督責之理則有之怒其子而
罰之披毛戴角為犬為牛必無其理矣是故今人之生非有前世今
人之死亦無後身生而為善終受永賞生而為惡死受永罰上帝之
公嚴也豈不能賞罰其本世之魂而反加禍福于茫然不知之後
身乎可知輪迴之必無矣斯乃槩略如此至于詳言備述以俟博
學子君子不敢思其力之所不及強其智之所不能

關輪迴

轉生輪迴之說惑世誣民倡自釋道二教若果有之聖賢著書立說
便當議及何以四書五經絕無是說吾人居今稽古當以聖賢為宗
安可信此偽妄不根之談乎且造化之初先物後人易經繫辭曰有
天地然後有萬物有萬物然後有男女要皆從無而有顯造化之全
能設物由輪迴而生則人類未肇物象自來又或人之生必由物輪
迴則造物之後爰即造人斯時物尚未死人之何自輪迴哉更或一
人死于此即一人生于彼不外此有限之數互相轉輪何以古初生
靈甚少後世茂數愈多此蓋不思上帝造物之全能耳夫凡物之生

羽毛鱗介人得以資養育以將孝教以送器皿以供服飾以療疾病
以代勞苦以禦禍患何一不為人用若充輪迴之說即一牛馬非但
不可殺亦不可鞭策恐其前世爲我父母眷屬也推之物之皆不可
用殆亦拂上帝爲人生物之意而昧于貴人賤畜之理者矣蓋人之
大倫有五親疎貴賤分在理然假令信輪迴而生父則可疑子安知
其非我前世祖考夫可疑妻安知其前世非我姑妯將使婚姻養育
貴賤使令之礼可以盡廢尊卑長幼之分可以遂施此大亂之道也
可不作之

辨輪迴

輪迴之說邪魔鳩人之深計也魔知人性本善皆有惻隱之心推而
行之其德曰仁爲諸德之首魔欲奪人心之真仁而不可故托諸釋
氏倡我殺還他殺之輪迴使人憐鳥獸將死哀鳴之苦凌畏己之輪
迴亦或有是苦也遂戒殺不食其弊直貶古今聖帝明王之訓制爲
可棄而不用使老弱之民不得衣帛食肉虛羸短促莫盡天年誘人
加惻隱於異類之鳥獸而不加惻隱於同類之人民即仁之偽而棄
仁之真始終而不覺也魔知人性本靈皆有是非之心推而行之曰
智爲諸德之師魔欲奪人之智而不可故托釋氏言報應其罪之輪

迴使人信暴虐者來生必為獅虎貪狡者來生必為狐狸淫慾者為
豕為犬等報盡之後可復為人。知有罪必罰理之當然報應相稱
亦必不差報盡可復為人尚大有幸望以是非之心明乎偽而不明
乎真錯謬而不覺也夫人靈獸蠢判然兩類天淵不侔者現物性之
不同蓋由于魂之不同毛虫之性不同羽虫之性由毛虫之魂不同
羽虫之魂故羽虫之性不同鱗虫之性由羽虫之魂不同鱗虫之魂
故一類之靈魂尚且不同不可遷受混雜何況超類之靈魂反可與
覺魂等互相遷受混雜輪迴也哉釋又云要知前世因今生受者是
要知後世因今生作者是此證其輪迴後人身兼警戒之也既歎警

戒人何不使人記得前世之因為自勸自懲之箴乎輪迴之法罰者
為鳥獸賞者後人身後人身者皆賞者也既在賞例何又有聲聲癡
癡殘疾呻號之苦者焉輪迴之法前一人死而生後一人固不能以
一人之魂分投兩人也輪迴果有則人有定數世初之人不應少于
今之人不應多非但不應多且應漸減而最少殺生而惡者輪迴為
鳥獸去矣豈不應最少哉究乎是則人魂皆上帝隨時賦畀非前人
之魂投來可知矣輪迴果有則掌賞罰者其聰明反不如人也人之
善惡魂與身同為之前身為善後身受賞前身為惡後身受罰是遺
有善賞無善遺有罪罰無罪據賞罰之大權者偏而不公聰明安在

哉可知輪迴之說確係邪魔國人即偽善而成萬惡之深計非有超
性學者誰能不信之也